

〔清〕 路順德

治 蠱 新 方

歷代中醫珍本集成

8

序

昔大禹鑄鼎象物，使民知神姦而爲之備。後世賴焉。然此皆有形有質，故得按圖而稽之。未若近世蠱之害人，其爲毒也無形，其中人也至烈，而其來也一發不可復制。嗚呼！豈不痛哉！蓋南方地氣卑下，溼氣薰蒸，乘其氣者，毒每倍于他方。加以瘠苗雜處，俗尙巫鬼，凡諸幻術，皆非意計所及。蓋蠱之由來久矣。余中平爲親負米浮湘之粵，渡彭蠡以歸。凡洞庭南北，象郡西東，及滇閩邊界，足跡幾遍。計自戊寅迄甲午十七年，往來蠻烟瘴雨中，無日不臨深履薄。予雖幸免斯毒，而竊悲染此毒者，思有以治之而未得也。壬午春，道出南寧，於旅肆中得鈔本治蠱新方一書，其書半雜融縣土音，其所抄錄亦魯魚殆半。猝猝未暇訂正也。乙酉丙戌間，客博白之大嶺埕，埕介山澤間，莠民之以蠱流毒者，指不勝屈。其地荒僻，鮮醫藥，余心憫焉。爲之按方施藥，應手輒愈。乃取是書，通其語，訂其謬，外郵寄同人，廣爲流布。今已僂歸故里，桑梓懸恬，民淳物阜，無復中蠱之患。然回思前此求治諸人，呼號匍匐，如在目前，痛定思痛，愈滋疚焉。因復取而校之，而誌其緣起如此。嗚呼！峯之生于天者，吾無如何矣。安得良有司者，取人之所爲蠱而禁之，而化之哉？是則所謂功不在禹下者矣。道光乙未花朝後三日，澄江漁者程福照介夫氏序。

治蠱新方

清路頭德纂

經羅照重訂

順遠字學後編補人
關顯字分失江陰人

蘇荷湯

能治一切蠱症。凡蛇蠱疳蠱、腫脹癰狂癩症，以及一切感冒咳嗽氣逆沖上、肚皮緊急，審係內伏實火，小便黃赤，或服補藥而病加重者，用此湯方加減治之，百發百中。

紫蘇一兩

南薄荷一兩

條參八錢

連翹八錢

生黃芪七錢

當歸一兩

生首烏一兩

白芷一兩

川芎五錢

決明子五錢

槐花一兩

生白芍五錢

柴胡六錢

青蒿一兩

生元版八錢

右十五味爲一劑，水煨服。服三四劑後，病漸減者，加燒酒二兩，同水久煨服，取效更速。又此方每劑加田州三七二錢更驗。又初服藥不可太急，急則內毒翻跳，病人不安，或大吐大瀉，病愈回遠，而病人頗畏，至服藥五六劑，則無妨也。

右服藥一二劑後，內火炎上，大便結秘，口舌熱爛者，去當歸、白芷、川芎、紫蘇、薄荷，加黃柏、黃芩、茯苓、元參、天門冬、澤瀉、石菖、各五錢，酒一茶杯，同水久煨服。小便赤、火盛者，加元參、梔子、茯苓、各五錢，帶熱嗽，或咳血者，審係內有實火，紫蘇、薄荷暫停不用，並除當歸、白芷、川芎，加三七、百合、麥門冬，各一兩。

凡服此藥者

荔枝二味可與。

柑

柚

橙

橘

李

藕

棠梨

石榴

羊肉

豬肉

馬肉

雞肉

鴨肉

鵝肉

鴈肉

鵠肉

鶩肉

鷓鴣肉

鴛鴦肉

鴛鴦肉

以上可吃之物，或一吃此物，則病翻者，必在此物內中毒，暫戒之，愈後可喫。

浸筍水法

凡筍皆可浸，惟味苦而難者尤妙。筍用淨刀淨砧板切片，放瓦罈內，用午後水浸之，不可吃葷犯嫩穢。水將浸過筍，不可多，後添生筍則添生水。

巴豆驅毒散

凡中蛇蠱者，肚內或皮內既變蛇，或變肉熬肉龜，或變蛇蟲。凡遇肚痛時，大便結秘，少出。治方用巴豆一味，八歲以上小兒用二粒，十二歲以上用三粒，大人用六粒，將巴豆研末，水煨高蒲滾，掛其湯，着茶杯內，俟其湯將涼，帶溫，放巴豆末入湯內，攪開，令病人連湯並未吞喫，靜坐片刻，作瀉。俟其肚內之物瀉盡，方可飲食。但此藥至奇，喫後有瀉十餘次者，最後瀉出如雞蛋清，則不瀉矣。若未瀉出雞蛋清，連飲茶水，瀉即止，則毒未淨，後必復作。但服此藥，恐太傷人，先買真燕豆細粉四兩，煮熟，待瀉後，即將燕豆粉喫，此粉能解巴豆毒，或用滾水開蜂窠窠更妙。若喫後又作吐，再調稀粥喫，必愈。服此後，仍將蘇荷湯等方，加減服數劑，洗淨餘毒可也。愈後仍戒喫雞鴨鵝魚蝦等物數年。

按巴豆一個剝開有三粒，兩頭尖者能殺人，不可用。此方楊生光熊世傳，醫愈蛇蠱者數十人，藥少價

廉收效又速。又試蛇疊法。一凡身上皮肉刺痛。或腹內刺痛。喫筍水即覺愈者。或將馬兜鈴一兩。水煨湯服。而清即減者。定是中疊。血氣健旺者。用巴豆方治之。頗捷。人弱者。忌用。孕婦忌用此方。加減蘇荷湯。

紫蘇五錢 南薄荷五錢 當歸七錢 川芎五錢 甘草五錢 澤蘭二錢 白芷五錢 首烏五錢

生芪五錢 百合五錢 陳皮二錢 三稜二錢 莖朮二錢 鬱金一錢 木香一錢 丁香一錢

五茄皮五錢

以上十七味爲一劑。生薑三片爲引。水煨服。

凡中一切疊者。血氣平和。不受得生地。元參。黃柏。連翹。槐花。青蒿。生芍藥。柴胡等寒涼之劑。又不受得桂附等溫熱之味。用此方服驗。若服此湯後。大便秘結者。仍服蘇荷湯較妥。

蛇疊

蛇疊者。方書謂之桃生毒。傳聞山谷間獵婦或歹人。於端午日。取毒蛇。蜈蚣。蝦蟇。同放一器內。令其自相吞嚙。用其生者研末。同黃泥作丸。包放竹筒內。其泥極厚。放出竹筒外。則見生蛇無數。能少能多。能短能長。能小能巨。能有形能無形。常用生雞蛋飼之。收入則成泥。或將少許蛇泥放路上。人踏過則蛇上人身。或放於茶酒內。與人喫。若酒醉甚。中毒者。戒鹽服藥可愈。

一曰生蛇疊

有初中蛇蟻如外感症。面帶青色。氣逆氣短。肚皮緊急。兼之咳嗽。小便黃赤。內伏鬱熱。大便秘結。夜不得臥者。有初中不覺。至數月後。或一年後。時而在兩脅皮內痛。時而在兩膈下皮內痛。或數月痛一次。或一月痛一次。或一月痛數次。永不出汗。怕寒。服蘇荷湯後。如有聲走入肚內者。

有在肚內痛。會動會移。痛時則氣欲絕者。

有遍身如風走竄。臥則手脚跳起。靜聽身上有如蟲行者。

有初積氣鬱不順。久而結爲血塊。久而成形。或爲蛇蟲。或爲肉蛇。肉鱉。肉龜。或爲有鱗有脚。小蛇。或聚散無常。亦有終身止爲痞積。血積。食積。有常處者。

有夜臥忽然皮內。或背。或腹。或膈。時有一處微痛。會吸人氣。靜聽之。氣行至其處。則欲絕者。

有吐蚘蟲者。按此症亦有因溼熱食積而生者。與蛇蟻同治。

有在心上脹。口涎出。痛而不移。常屬蚘蟲者。

有在路上踏著者。或即時肚痛極。或打冷顫。至數月後。小便常黃赤。人漸瘦弱。肚常作痛。凡遇肚痛時。行動則皮內或肚內。有物堅實。夜臥以手按之。肚皮有物攢起長二三寸。微覺跳動。心煩涎溢。得喫肉則稍止。或移入左脅右脅。則飯食減少。或痛上心。則心脹欲作吐。又此毒在身。時有時無。至年餘。或四五年。則變成肉鱉。肉龜。肉蛇。以作咬者。至蛇老時。或在皮內肚內行咬。有日咬一二十次者。命在頃刻。此時內蛇翻動作咬。則額焦頭痛。通身發熱。如有髮刺蟻咬。夜則更甚。此乃蠱家之外蛇從風而至也。內蛇咬入腹

肺外蛇入毛孔，其蛇無形亦無數，急用雄黃四觔，分作四包，安於病人牀上四角，病人臥則開此四包，雄黃以禦外蛇，服藥方應。

一曰陰蛇蠱

初中時，或吐或瀉，以後則肚腹膨脹，不想飲食，口極惡，頭面上筋起，如蟲行蟬行，鼻內如有一二蟲欲出，不出，乃毒氣沖上，非蟲也，或耳內如有一蟲，亦毒氣也，或肚內如蛇翻有聲，甚則額熱面紅，大便秘結，若酒醉後在酒中受毒者，不獨腸胃青黑，即肺肝心脾俱染黑氣，急服解毒發毒之藥，受毒重則尿黑，輕則尿藍，若不知解藥，則因黑氣而變成黑星，黑星有十顆，則肚內跳動如針刺，有十餘顆，便開成蛇口，如蛇咬狀，咬上心，出恭瀉血，命在旦夕，聞蠱醫云：中此毒者，若不知醫，不出一月必死，又加以蠱藥，則人多昏聩，又加以蠱藥，則一耳常滿，塞一耳朵，頭少紅厚，如有蟲行狀，服解藥，則黑氣隨尿出，但看食物全不變，如喫菜則傷菜，甚至喫飯則腐成顆飯，則毒淨矣，自此後食物仍變，出恭轉黃，則全愈矣，又毒重頭眩頭痛者，戒葷鹽半月，每餐用茶油清水煮豆腐加筍水一茶杯，同煮熟，淘飯喫，乃驗。

病人有實火，俱用蘇荷湯治之，屢驗，至服藥病愈後，忽髮內寒，須用十全大補湯，加減治之。

次黃耆三錢

杜仲三錢

當歸五錢

炙甘草五錢

大熟地三錢

乾薑三錢

茯苓一錢

川芎五錢

丁香一錢

製首烏三錢

陳皮三錢

生芍藥二錢

白芷五錢

蘇子三錢

炒白朮三錢

木香一錢

附子二錢

肉桂一錢

右十八味爲一劑。水煨服。

經驗

同姓某年二十餘。中蠱。初中時。常在心口。皮肉刺痛。繼又移上兩脣。上兩脣下。皮肉刺痛。繼又移下右脅。腰間。皮肉刺痛。初則數月痛一次。後則一月痛一次。歹人謂之剪刀蠱也。病處其皮攢起。約四五寸長。痛甚時。則兼肚脹。不出毒時而愈。則如無病。常怕寒。永不出汗。越三年餘。因喫雞鴨魚蛤等物。遂大痛。右邊半身刺痛。腰間皮內痛更甚。氣逆欲絕。予令其家人取符水一碗。煮熱與之吃。吃後痛卽止。予曰。此中蠱也。彼疑而不信。予用蘇荷湯加酒一兩。同水久煨服。服藥後。通身發汗。其病如失。予復用雄黃五錢。研末。蒜子二三兩。萬蒲二三兩。搗爛。放滾水盆內。令病人用手巾自頭至脚。通身處處洗過。以防外蛇。是夜其人臥靜。聽如有蛇頭近身。伸舌銜之。以手摸之。則無所得。遂大驚而哭。次日變成瘡疾。身上又略痛。復用前藥。服則如有物會叫。自右脅腰間痛處。走入肚內。痛漸減。瘡疾亦愈。連服藥數日。小便鉢內血珠止。有三四顆。淨。次早倒尿。則鉢底有小珠八九顆。大如粟。研開。鉢內有血。再服藥。越二三日。則鉢內血珠止。有三四顆。再照前方服藥。起數日。則血珠全無。此乃毒氣積成惡血。服解藥。則毒隨小便出也。每兩日一劑。服藥一月而愈。後因同人歹人買肉醢飲。其病忽翻。肚內脹滿。通身刺痛。比前更甚。命在頃刻。照蘇荷湯取服。亦不見效。予思其故。或受歹人陰害。復中蠱也。因大加薄荷二兩。蘇子二兩。白芷二兩。田州三七二錢。當歸一兩。青蒿二兩。生地。生黃耆。柴胡。元參。川芎。槐花。條參。連翹。天門冬。天花粉。黃柏。各五錢。丁香一錢。木香

一錢，共十九味爲一劑。酒一茶杯，同水煨服，一服而愈。此人年二十餘，血氣頗健，故用此重劑。後又將此十九味浸酒，加減兩數，令其人每早晚飲藥酒三四小杯，病遂全愈。

按若在酒內中蠱，則宜喫水藥，斷不可用酒，犯酒必翻。

族子某，年十六，肚內左脅常痛，忽又移過肚內右脅痛，或五六日痛一次，或二三日痛一次，或一日痛二三次，或走上心痛，則心腹煩熱，滿身發熱，痛時則並不出汗，得喫肉則暫停半日，身上常有蟲行，以手捉之，則無所得，予用蘇荷湯加三七一錢，酒一兩，同水煨服，兼服馬兜鈴二兩，爲一劑，水煨服，服一月，吐出黑星十餘顆，次日屬下，虻蟲數條，自後肚亦不痛，但身上之蟲行仍然，予曰：此蛇蠱已愈，疳蟲未盡淨也。此後但服蘇荷湯，一年全愈。

張某中陰蛇蠱，初時如感冒風寒，四肢有蟬行蟻咬，氣逆沖上，誤聽俗醫，教其喫蛇一條，予是退身有蟲走，腹肉大跳，臥則手脚大跳，夜不得臥，危極，肚鳴，肚痛，予授以蘇荷湯，酒水煨服，夜即得睡，連服二劑，次夜病翻，不得臥，彼疑藥味寒涼，不肯服，因取洋烟尿泡水喫，夜暫得睡，而病仍未愈，窮於治術，復將蘇荷湯，每劑加田州三七一錢，三日一劑，服藥兩月而愈。

李某子年八九歲，吐虻蟲不止，夜不得睡，用南薄荷、紫蘇、白芷、當歸、川芎、連翹、青蒿、槐花、生黃耆、柴胡、元參、各二錢，丁香一錢，三七一錢，水煨服數劑而愈。按凡老人幼兒中蠱，常將三七一味，切碎，蒸豬肺，成豬肉喫，甚妙。

潘某妻年三十餘。中蛇壘。肚痛極。頃刻難忍。其戚授以三七。白芷。禹瀉。蘇子等生咬爛。滾水送喫。得吐與瀉而愈。但毒未淨。後仍常常肚痛。人漸瘦黑。積三四年。肚內如有物。會動會移。時跳上心。則心脹口涎出。得藥肉則稍止。予以紫蘇。南薄荷。元參。生黃耆。當歸。白芷。柴胡。川芎。青蒿。槐花。連翹。桂參。等各三錢。服藥二劑。寒毒如拳大。走在左脅下跳動。肛門如有蟲咬。又服藥三劑。其蟲亦化不見。但其毒仍在左脅下跳動。前毒身四肢以及手足指盡皆脹痛。此乃蘇荷二味藥氣到處。追其惡血。瀉下大腸。將換新血。故脹痛也。又照前方服三劑。痛愈而下。身及兩腳浮腫。其夫藥之。予曰無妨也。蘇荷湯大半皆消腫之藥。但彼之受病已久。通身皆受毒氣。侵染變為惡血。今藥力追到通身之血瀉下。再換新血。其脹痛浮腫者。乃惡血初瀉。新血初生故也。再服前藥三劑。每劑加田州三七一錢。而浮腫亦消。但左脅之毒。仍然跳動。再照前方服藥。其毒亦漸小。漸化。服藥十餘劑。而愈。愈後不戒口。因吃鰱魚復變。心口痛。頭痛。脹滿。不思飲食。予復用生甘草。元參。紫蘇。南薄荷。當歸。川芎。生黃耆。連翹。白芷。白芍。桂參。青蒿。槐花。各五錢。三七。生地。各一錢。二服而愈。後因喫狗肉病翻。復用前方治之愈。

李某妻年四十餘。中蛇壘。初中壘時。常在左邊脅下。腰間皮內痛。痛時其處攢起。略跳動。日間則捲如螺大。夜則伸長。約二三寸。時而此物不見。則其病如失。時而痛移上心。則心脹。得喫肉則稍止。至五六年。變成一物。有頭尾足。在肚皮內。日咬三四十次。咬時則頭痛。遍身發熱。如有蟻咬。皮內如有髮刺。夜不得臥。予用紫蘇。南薄荷。生首烏。柴胡。槐花。白芷。當歸。生黃耆。連翹。生芍。川芎。各一兩。加燒酒二兩。同水久煖服。

服藥後。此物走入肚。跳入喉嚨。不能吐出。後覆下肚皮內。走竄。病人無危之憂。夜不得臥。常思自盡。因用雄黃。如法放于床上四角。以禦邪氣。病人得睡。內服前方。兩日一劑。每劑用筍水一茶杯。煮菜喫。其物咬亦漸少。時而忽翻。復用巴豆。驅毒散治之。其蛇漸縮小。再用前方。加鬱金。木香。各三錢。服藥十餘劑。其蛇遂化不見矣。愈後。不肯戒口。肚腹復痛。又服前方一二劑。而愈。越二年。因喫蛤。其夜病大翻。肚腹身上刺痛。不得臥。肚內如有蛤叫聲。復依前方。加田州三七二錢。酒水煨服。二劑而愈。

龍某妻。年三十餘。肚常痛。誤服川山甲。肚遂大痛。吐出蛇蟲十餘條。不止。其鄉無藥。予急用紫蘇。薄荷。陳皮。槐花。田州三七等味。水煨服。蟲止不吐。令其家人出縣市。與方用紫蘇。南薄荷。白芷。當歸。川芎。槐花。青蒿。連翹。生黃耆。柴胡。條參。元參。決明子。白芍。各五錢。木香二錢。酒同水煨服。數劑而愈。

女子及笄後。常得肚痛症。痛甚。則吐。予用田州三七五錢。洋參二錢。甘草一兩。紫蘇一兩。南薄荷一兩。酒一小杯。同水久煨服。即愈。再用生首烏一兩。白芷一兩。當歸一兩。川芎一兩。紫蘇一兩。南薄荷一兩。三七二錢。槐花五錢。連翹五錢。條參五錢。生甘草一兩。水煨服。十餘劑而病愈。永不復作。

楊某者。年四十餘。得外感症。面帶青色。臥則氣逆。沖上肚皮。緊急。兼之咳嗽。內有實熱。小便黃赤。夜不得臥。誤服補藥。肚愈脹。氣愈逆。嗽愈不止。予曰。此初中生蛇蠱也。用蘇荷湯。服數劑。病大減。予囑其常用田州三七。切碎。煨豬肺。或豬肉喫。並常用蘇荷加減服。服藥二月餘。全愈。又凡中蠱氣急氣喘。脅痛。用洋參一味。生咬。喫亦驗。

老嫗年七旬餘。先有氣弱咳嗽之症。忽加中蠱。半餘。肚常痛。會動會走。腹內翻攪。脹痛。上心氣逆欲絕。不
 想飲食。夜不得眠。靜聽面上。如有蟲行。治方用百合五錢。蘇子三錢。南荷三錢。當歸三錢。茯苓三錢。白芷
 三錢。白芍三錢。麥冬三錢。連翹二錢。水煨服。照方服二劑。毒漸墜下。心上不脹痛。仍然在下部腹內走竄。
 如雞刺狀。再服藥四劑。瀉下黃泥水。次日瀉止。痛頗減。飲食稍加。再服藥三劑。變成痢疾。但此蠱血氣雖
 虛。不可用寒涼峻利之藥。亦不得十分溫補。予用百合五錢。蘇子。南荷。茯苓。白芍。麥冬。各三錢。砂仁。白朮。
 各二錢。乾薑一錢。水煨服。服至七八劑。毒漸墜下。病大減。但飢時。則其毒仍在內走竄。因停藥五六日。毒
 忽跳起。心上脹痛。如有蟲咬。方用百合四錢。蘇子。南荷。當歸。茯苓。麥冬。連翹。白芷。白芍。川芎。各二錢。水
 煨服。服後。即大瀉數次。病亟如前。予思老人血氣太弱。服藥宜緩。此方錢分太重。兼過於寒涼。改用蘇子
 三錢。當歸三錢。扁豆。川芎。廣陳皮。小茴香。蘿蔔子。各一錢。水煨服。服後得吐而病退。是夜得臥。蓋毒在上
 部則吐。毒在下則瀉也。次日復病。用蘇子五錢。百合四錢。赤芍。陳皮。各二錢。決明子。升麻。各一錢。水煨服。
 服後刺痛頗減。但一至飢時。肚內如有物咬。但照前方加白芷五錢。當歸二錢。服藥數劑。復變咳嗽。乃其
 常病也。依前方加減。蘇子五錢。百合四錢。升麻一錢。赤芍二錢。決明子一錢。白芷五錢。當歸二錢。麥冬一
 錢。去心。水煨服。一劑後。喉頗涼。仍然咳嗽。前方除麥冬。照二劑後。用前方。去升麻。赤芍。麥冬。加白芍二錢。
 陳皮二錢。羌活五錢。當歸五錢。用水煨服五六劑。病大減。人頗康健。若停藥數日。則肚內如蛇微動狀。但
 不能跳上耳。新年誤犯雞湯。兼停藥數日。病復翻。氣逆沖上。咳嗽喉苦極辣。肚脹翻攪。用蘇子三錢。廣陳

皮二錢。生首烏三錢。生甘草二錢。水煨服。一劑。病略減。再服不甚效。轉用蘇子五錢。百合四錢。白芍二錢。廣陳皮二錢。決明子一錢。白芷五錢。當歸四錢。羌活二錢。常服此方。病大減而仍未全愈。蓋老人血氣既衰。而中壘又久。通身之血皆爲毒氣侵染。又不能受得蘇荷槐香等重劑。故難全愈也。四月內停藥不服。通身脹痛。肚內復有物動。攪方用蘇子五錢。廣陳皮三錢。生甘草三錢。川芎一錢。白芷五錢。羌活三錢。鬱金一錢。三七一錢。水煨服。病減。服二劑。牙跟口唇熱爛。如蟲蝕狀。以蘇子。川芎。性太發陽故也。改用三七一錢。百合三錢。當歸二錢。生甘草五錢。白芷三錢。桔梗三錢。麥冬三錢。水煨服。四五劑。又常食三七豬肺。而病減後停藥。復氣逆咳嗽。再加三七。照前方而不效。改用半夏三錢。當歸三錢。茯苓二錢。木香一錢。五味子二錢。廣陳皮三錢。生首烏三錢。生枳仁三錢。洋參一錢。服藥三劑。頗效。復加蘇子三錢。百合五錢。南荷一錢。服二劑。忽變白痢。且兼咳嗽。想此時蟲毒已淨。受得補藥矣。因買鴨一隻。苡米煨喫。病略減。改用炙黃耆五錢。炙甘草一錢。熟地三錢。小茴香一錢。白朮二錢。杏仁四錢。去皮尖。洋參一錢。薑汁炒。首烏一錢。杜仲三錢。當歸二錢。升麻五分。服藥一劑。病大減。再將此方加減服。而全愈矣。

男子年四十餘。脾胃虛寒。常服桂附歸朮耆地苡杞等藥。忽又中壘。肚痛。身上如蚤咬。予用溫補兼行氣散氣之藥治之。大熟地五錢。當歸五錢。川芎三錢。炒白朮五錢。炙黃耆五錢。杜仲三錢。枸杞三錢。乾薑三錢。附子五錢。炙甘草五錢。陳皮二錢。丁香一錢。木香一錢。蘇子五錢。肉桂一錢。水煨服。數劑而愈。

按若心肝二經有伏火。照方加生芍三錢。茯苓三錢。又凡虛弱之人中壘。審係內寒無火。即用此方。

加減可也。若非脾胃虛寒，則附子肉桂二味，必不可用。孕婦忌用附子，似蟲非蟲辨。

有氣不順而非蟲者

黃子十一歲，因先年冬染感冒，病愈後，次年得氣脫症。肚內氣走動不痛，行急則路痛，氣不順，氣少不接，飲食減少，口不渴，審係氣血兩虛。其父疑爲蟲病，服蘇荷湯不食，忽發通身皮熱如火，肚腹脹滿，不思飲食，予用大懷熟五錢，製首烏五錢，炙黃耆五錢，製白朮五錢，北五味一錢，廣陳皮二錢，炙甘草二錢，全當歸三錢，炒山藥五錢，北枸杞五錢，杜仲五錢，附子五錢，乾薑五錢，水煨滾，加邊桂一錢，研末入湯調勻服，十餘劑而愈。

男子年四十餘，命門無火，寒極作嘔，口鼻流血，臥則肚內有物，隱隱升上，稍脹上心，此乃血脫氣脫之候，前方加杏仁一錢，服數十劑而愈。

黃子十五歲，先得蟲症，既愈後，時而背心忽寒，或頂心忽寒，口不渴而口唇起泡，右手食指將指及無名指生疥瘡，經年腐爛不愈，亦服上方，附子加至七錢，數劑疥瘡暫愈，後又復翻，仍然手指腐爛，兼之氣短促不順，此氣血兩虛，愛之蟲病餘毒不盡，前方加田州三七一錢，白芷三錢，丁香一錢，數劑而愈。按果保脾胃虛寒，方用得此方。

有肚痛而非蟲者

近日有酒頂病，七日必愈。發頂十四日愈。將起病前二三日，手腳發脹，次則在肚臍下痛，痛在一處不移。大便氣絕不通，小便黃赤，飲食百物皆不下，氣力如常，行動則稍快，日夜不得臥。至七日，則必愈，不用服藥。愈後二三日不可下水，下水則病復發。亦有病後寒積食積，作脹作痛，亦非蠱。按酒頂病，大便不通，用槐花四兩，研末，同水熬酒煨熱，泡藥末喫，得瀉即愈。若係病後寒積，則槐花決不可用。

至親秦某，得虛寒驚悸之證，命門無火，常將炙黃耆、白朮、當歸、熟地、肉桂等藥，浸酒喫，而愈。後因出外口渴，誤喫涼水，遂變寒嗽，用熟地、首烏、當歸、白朮、杏仁、乾薑、炙黃耆、山慈、附子、杜仲、枸杞、各五錢，北五味、肉桂各一錢，水煨服，而嗽大減。忽然出恭，帶藍色，此乃脾腎無火，不能運化穀食也。再服數劑而愈。

有心口痛而非蠱者

男子李某，先數日生一疳於腎囊下，谷道前，並不發起。忽然身體沉重，欲作吐，四肢皆麻，兼之冷顫，神昏謔語，心頭有一塊，大如碗口，作痛。先日好喫滾熱之茶，次日茶亦不喜吃。予曰：此必內寒也。用大熟地、當歸、炙黃耆、川芎、各五錢，乾薑、炙甘草、各四錢，肉桂一錢，研末，水煨服。服藥後，即不冷顫，心頭亦不痛。忽然谷道前之疳發起，一炷香久，即穿膜，再服數劑，前病全愈矣。

有肚鳴叫而非蠱者

童子年十三，手腳常酸脹，腳底常冷，肚常鳴叫，叫時則肚痛，大便瀉泄，易飢。一喫茶則肚作叫，予診其六脈無力，乃血氣虛也。大熟地六錢，生甘草三錢，生山藥三錢，丹皮二錢，杜仲四錢，山萸肉三錢，炒白朮三錢，

木瓜二錢，澤瀉二錢，當歸二錢，生首烏三錢，廣陳皮二錢，茯苓一錢，懷牛膝三錢，附子二錢，水煨，入肉桂末一錢，和勻服，每月服二三劑，數月而愈。

一婦人年四旬餘，腰常酸痛，肚常鳴，大便溏泄，此乃脾腎虛寒，血虛氣脫之症，方用熟地、枸杞、當歸、炙黃耆、白朮、炙甘草、乾薑、山藥、首烏、附子、肉桂、巴戟，各五錢，水煨服，數劑而愈。

有腹寒作痛而非蟲者

男子某腹常痛，口不渴，大便時或溏泄，雖夏月必穿夾衣，用布帶緊紮其腹，或以炒熱嫩糠放布袋內熨之，而痛愈，後仍復作，用大熟地、製首烏、當歸、乾薑、焦朮，各五錢，川芎、炙甘草，各二錢，肉桂一錢，水煨服，數劑痛愈，永不復作。按亦有肚寒痛而兼蟲者，照方加丁香、木香、蘇子，各一錢，水煨服。

癲狂蠱論

聞蠱俗埋蛇土中，俟其出，取菌毒，人受其毒者，或癲或狂或癩。有心昏頭眩，笑罵無常，肚常鳴叫，大便結秘者，有赤身出外，持器械毆打人者，有毒甚則額必焦，口必腫，神昏性躁，目見邪鬼形，耳聞邪鬼聲，如犯大辟，如見惡役持練鎖至，如有刀兵健卒追趕，常思自盡者，有初中毒，肚內作痛者，有輕而時發羊癲豬癲者，以上諸病皆用蘇荷湯治之，服藥時宜戒葷腥，每瓶用茶油或芝麻油，清水煮豆腐，加筍水一杯，煮飯滾，泡數日，服藥方效。

經驗